

TŪMAHI AROMATAWAI PĀTAHI



Te Reo Matatini 2024

32413 Ka mārāma, ka tautohu i ngā whakaaro matua o
tētahi reo ā-waha, o tētahi reo ā-tā hoki

NGĀ WHIWHINGA: E 5

Tō NSN

Wāhere Kura (Nama)

NZQA

Mana Tohu Mātauranga o Aotearoa
New Zealand Qualifications Authority

TE WĀHANGA TUATAHI: PĀNUI

TŪMAHI 1 - NGĀ TOHUTOHU

Pānuitia ngā tuhinga kōrero mō te pakanga a Ngāti Patupaiarehe me te iwi o Ngāti Taniwha ki raro iho nei hei whakautu i ngā pātai kei te whārangi tuatoru.

Ngāti Patupaiarehe me te iwi o Ngāti Taniwha

I mua i te taenga mai o ngā waka i Hawaiki, i nōhia tēnei whenua e tētahi iwi taketake. Ko Ngāti Patupaiarehe te ingoa o taua iwi. Kotahi mano tau rātou e noho nei ki Aotearoa. Ka tae ki te tau kotahi mano, e ono rau, e rima tekau, ka tae mai he iwi hou. Ko te ingoa o taua iwi, ko Ngāti Taniwha. He iwi taukaikai, he iwi horo kai, horo whenua, horo rauemi.

I tā rātou taenga mai ki Aotearoa, ka haere te iwi o Ngāti Patupaiarehe ki te huna ki roto i te mātotorutanga o Te Wao Nui a Tāne. Ka noho te rongomau ki waenganui i ngā iwi e rua... mō tētahi wā poto.

Tērā tētahi pō, ka haere ētahi o ngā uri o Ngāti Taniwha ki te ngahere i te takiwā o Kāwhia. Ka rongo rātou i te katakata a ngā whakairo. Ka tumeke rātou, ka whai atu rātou i te katakata. He mahi nanakia, he mahi muna kē te mahi a Ngāti Patupaiarehe ki ngā manuhiri hou. Ka kōhurutia ēnei uri a Ngāti Taniwha e ngā uri a Ngāti Patupaiarehe.

I te ata ka kitea e te iwi o Ngāti Taniwha ngā kōiwi o ō rātou whanaunga e takoto ana ki te papa o Te Wao Nui a Tāne. Ka hui te iwi o Ngāti Taniwha, ā, ka whakarite ki te haere ki te rapu utu.

Ka whakatōpūhia a Ngāti Taniwha ki runga o Kāwhia. Ka tatari kia pō rawa, ā, ka haere rātou ki te kimi i te iwi nā rātou ō rātou whanaunga i kōhuru.

Ka puta mai a Ngāti Patupaiarehe. Ka pakanga ngā iwi e rua. Ka heke ngā toto. Ka hinga ngā taha e rua. I te otinga atu, ka neke atu i te tekau mano tāngata i hinga. I tū tēnei pakanga ki runga o tētahi pari e kīia ana ko Puketoto. Ka tapaina ko Te Pari o Puketoto nā te nui o te hunga i mate ki runga i taua pari rā.

Ka whakamoea ngā patu. Ka hui tahi ngā iwi e rua. I konei, ka tuku atu te iwi o Ngāti Patupaiarehe he mere pounamu, waihoki, ka tukua atu e Ngāti Taniwha he kotiate hei tatau pounamu ki waenganui i ngā iwi e rua.

I te mutunga o te hui, i te taunga o te puehu, ka whakarite a Ngāti Taniwha ki te hoki atu ki te kāinga. Heoi anō, i mua i tā rātou hokinga atu ki te kāinga, ka kite ngā iwi e rua tērā tētahi waka e kuhu mai ana i te moana o Kāwhia.

Ka ara ake te whakaaro ki roto i a Ngāti Taniwha me Ngāti Patupaiarehe, he hoa tēnei te haere mai nei, he hoariri kē? Tāria te wā ka kite.

Kuputaka			
Iwi Taketake	Native/Indigenous	Muna	Trick
Awatea	Daylight	Tapaina	Name
Taukaikai	Fighting	Waka hourua	Double-hulled canoe
Mātotorutanga	Dense		

NGĀ PĀTAI

1. E hia te roa o te noho o te iwi o Ngāti Patupaiarehe ki Aotearoa i mua i te taenga mai o iwi kē?

Tīpakohia te whakautu e tika ana:

- Whā rau tau te roa.
- Kōtahi mano tau te roa.
- Toru mano tau te roa.

2. I te taenga mai o te iwi o Ngāti Taniwha ki Aotearoa, huna ai te iwi o Ngāti Patupaiarehe ki hea?

Tīpakohia te whakautu e tika ana:

- I huna ki tētahi ana i te hōhonutanga o te moana.
- I huna ki te mātotorutanga o Te Wao Nui a Tāne.
- I huna ki rō whare nui ki tētahi moutere tawhiti.

3. He aha te mea i rongō ai te iwi o Ngāti Taniwha ki te ngāhere?

Tīpakohia te whakautu e tika ana:

- I rongō i ngā manu.
- I rongō i te kurī auau.
- I rongō i te katakata.

4. Kī hea tū ai te pakanga nui nei? He aha i tapaina ai ki taua ingoa?

5. Whakamārama mai te tikanga o te tatau pounamu. He aha hoki ngā taonga i tuku atu hei tatau pounamu?

TE WĀHANGA TUATAHI: PĀNUI

TŪMAHI 2 - NGĀ TOHUTOHU

Pānuitia ngā tuhinga kōrero mō Tūrongo rāua ko Whatihua ki raro iho nei hei whakautu i ngā pātai kei te whārangi tuarima.

Tūrongo rāua ko Whatihua Nā Te Ahukaramū Charles Royal

I te pakeketanga o Tūrongo ka haere ia ki Pātea ki te taha uru o Taranaki; i reira ka moe i a Ruapūtahanga, te wahine pūrotu o te waka Aotea. He wahine urukehu a Ruapūtahanga, i puta whānui te rongō mō tōna ātaahua. I muri mai i tō rāua whakaipotanga, ka whakaaetia kia pūmau te moe a Ruapūtahanga rāua ko Tūrongo. Ka hoki a Tūrongo ki Kāwhia ki te hanga whare mō tōna hoa wahine.

I te rongotanga ake o Whatihua mō tēnei ka tipu te pūhaehae mō Tūrongo, ka ngana a ia kia riro mai a Ruapūtahanga hei hoa wahine mōna. I a Tūrongo e hanga ana i tōna whare, ka tae atu a Whatihua me tana kī atu ki a Tūrongo me whakapoto te tāhū o tōna whare, he roa rawa (nā tēnei ka poto te whare). I tua atu ka kī ia ki a Tūrongo kia whakakīia tōna pātaka ki ngā kūmara paku noa i te mea, e ai ki a Whatihua, ko ērā ngā kūmara pai rawa ki a Ruapūtahanga.

I muri mai, ka hoki a Tūrongo ki te hanga i tōna whare mīharo rawa atu e riro ai a Ruapūtahanga māna. Taro ake, ka tae atu a Ruapūtahanga me tana ope ki te kāinga o Tūrongo. Ka tumeke ia i te ririki o te whare o Tūrongo me te pakupaku o ngā kūmara i horahia hei kai mā ratou.

I konei ka tae atu a Whatihua me tana tono kia haere te manuhiri ki tōna kāinga i te mea he nui tōna whare, ka uru katoa atu rātou ki roto. Patua a Tūrongo e te whakamā, tē taea e ia te manaaki i āna manuhiri me tō rātou puhi a Ruapūtahanga.

Kuputaka			
Tē	Kāore	Whakaipotanga	Moe tahi
Makuru	Maha	Ririki	Iti
Matomato	Maha	Puhi	Wahine rangatira o te iwi
Poru	Tope	Rautaki	Plan/Strategy

NGĀ PĀTAI

1. Nō whea a Ruapūtahanga, ā, he aha i rongonui ai ia?

Tīpakohia te whakautu e tika ana:

- He kairākau toa o te waka o Te Arawa.
- He wahine ataahua o te waka Aotea.
- He mātanga whakairo o Tainui waka.

2. He aha i hoki atu ai a Tūrongo ki Kāwhia?

Tīpakohia te whakautu e tika ana:

- I hoki a Tūrongo ki Kāwhia ki te kohi kai moana mō tōna wahine.
- I hoki a Tūrongo ki Kāwhia ki te hauhake kumara i te māra kai.
- I hoki a Tūrongo ki Kāwhia ki te whakaritea he whare mō tōna wahine.

3. He aha ngā tohutohu a Whatihua ki a Tūrongo?

Tīpakohia te whakautu e tika ana:

- I tohua a Tūrongo e Whatihua kia whakaitia te tahū o tōna whare nā te roa rawa.
- I tohua a Tūrongo e Whatihua ki te whakarite hākari nui mō te iwi o tōna wahine.
- I tohua a Tūrongo e Whatihua ki te whakatere waka hei kohi kaimoana mō te iwi.

4. Whakāramahia mai te take i patua a Tūrongo ki te whakamā?


5. Whakamāramahia mai he aha i pēnei ai ngā tohutohu a Whatihua ki a Tūrongo?

TE WĀHANGA TUARUA: WHAKARONGO

TŪMAHI 1 - NGĀ TOHUTOHU

Whakarongo ki te kaponga kōrero i Assessment Master mō Kupe me te Wheke Nunui hei whakautu i ngā pātai kei te whārangi tuawhitu.

E whakaaetia ana kia toru ngā wā whakarongo/mātakitaki kiriata.



Mātāpuna:

Museum of New Zealand te Papa Tongarewa. (2019, Hakihea 2). He Paki Taonga i a Māui: Ko Kupe me te Wheke Nunui | Kupe and the Giant Wheke [Kiriata]. YouTube. <https://youtu.be/dMxscivGqyE>.

Kuputaka			
Punga	Anchor	Māunu	Bait
Tipua	Supernatural being	Aruaru	Follow/Hunt
Kāwai	Tentacles (of an octopus)	Taurikura	Prosperous/Thriving

NGĀ PĀTAI

1. Ko wai te ingoa o te punga nā Kupe?

Tīpakohia te whakautu e tika ana:

Ko Rangiātea te ingoa.

Ko Te Kōhatu a Kupe te ingoa.

Ko Maungaroa te ingoa.

2. He aha te momo hoariri o Kupe?

Tīpakohia te whakautu e tika ana:

He tangata.

He tipua.

He ariki.

3. Ko wai te ingoa o te waka a Kupe?

Tīpakohia te whakautu e tika ana:

Ko Te Kawenga te ingoa.

Ko Matahourua te ingoa.

Ko Patu wheke te ingoa.

4. He aha te take e hiahia ana a Kupe ki te patu i te tipua wheke a Maturangi? Whakamāramahia mai ki āu ake kupu.


5. He aha te tikanga o te ingoa i tapaina ki te whenua? Whakamāramahia mai ki āu ake kupu.

TE WĀHANGA TUARUA: WHAKARONGO

TŪMAHI 2 - NGĀ TOHUTOHU

Whakarongo ki te kaponga kōrero nei mō 'Tane me ngā kete o te wānanga' hei whakautu i ngā pātai kei te whārangi tuaiwa.

E whakaaetia ana kia toru ngā wā whakarongo/mātakitaki kiriata.



Mātāpuna:

Museum of New Zealand te Papa Tongarewa. (2019, Hakihea 2). He Paki Taonga i a Māui: Ko Tāne me ngā Kete o te Wānanga | Tāne and the Kete of Knowledge [Kiriata]. YouTube. <https://youtu.be/rsvTrE-Woj8>.

Kuputaka			
Namu	Sandfly	Ngote	Suck
Timotimo	Chew		

NGĀ PĀTAI

1. E ai ki te kaikōrero, kei whea a lo e noho ana?

Tīpakohia te whakautu e tika ana:

- E ai ki te kaikōrero, kei waenga i a Ranginui rāua kō Papatuānuku a lo e noho ana.
- E ai ki te kaikōrero, kei Te hohonutanga o te Moana nui a Kiwa a lo e noho ana.
- E ai ki te kaikōrero, kei Te Toi o ngā Rangi, kei Te Tikitiki o Rangi a lo e noho ana.

2. Ka aha a Whiro i te wā i tohua a Tāne ki te tiki i ngā kete o te wānanga?

Tīpakohia te whakautu e tika ana:

- Ka whakahīhī a Whiro.
- Ka pūhaehae a Whiro.
- Ka pōraruraru a Whiro.

3. He aha te mea i tukuna e Whiro hei ngau i a Tāne?

Tīpakohia te whakautu e tika ana:

- He namunamu iti.
- He ngārara kino.
- He pōpokoriki nui.

4. Ko wai ngā ingoa o ngā kete e toru i kohia e Tāne?

5. He aha te hirangatanga o ngā kete e toru i kōrerohia? Whakamāramahia mai ki āu ake kupu.
